

耐菴詩存

善化賀耦庚先生以往歲戊申卒於里第嗣子詒令中翰檢括遺藁方擬刊行而寇事作徙家江鄉久之中翰又沒今再期矣先生疏藁臬在官公牘之屬凡數十巨冊而詩文存者無多蓋其生平專心政理不甚刻意詞章任閩藩時復以謔謔之災悉付灰燼故今所存者皆出搜緝也公猶子仲肅學博恐久更散佚取詩文藁先付劉氏屬汝懷同校勘之乃編爲詩存三卷文存六卷藁經傳寫譌誤實繁其難於案測者姑仍之已先生於詩不事雕飾而氣體清迥真意盎然仁義之人其言藹如也觀集中河南途次一詩乃總制滇黔左遷豫藩時

作惓惓民物情懇意夷詎有幾微得失之見在其意中  
哉此又不當以詩論矣校畢爲識緣起以俟蓄道德能  
文章者序而廣其傳焉咸豐十年歲在庚申六月旣望  
湘潭羅汝懷書於長沙城南寓館

耐菴詩存目錄

卷一

皇上六旬萬壽恭紀

萬壽雅十章

謹序

卷二

何仙槎陶雲汀諸前輩招飲賦此卻謝

人日歐陽坦齋農部招飲二首

月夜懷劉大醇甫並簡周十稚圭

送陶季壽之官石樓

送尹五墨卿省親湘潭卽之官江西

種花詩次唐鏡海韻

陳滄洲先生手植古槐歌

顯王曉村槐館傳經圖

陶雲汀前輩有西河之痛作詩見示賦此答之

唐鏡海席上觀七星劍

送袁升庭之官粵西

七月十九日招同歐陽坦齋農部何仙槎前輩

遊崇效寺出南西門至三官殿看花小憩尺

五莊歸途復遊報國善果兩寺得六十韻

送曹二翊庭之官繁昌分韻得政字

登西隄望昆明湖

顏魯齋席閒食魚生和唐鏡海作

送周希甫太守之官南河

題李子佩畫松小幅

送趙遂樓前輩觀察粵東

聞錢裴山中丞訃

喜雪

雪夜訪白小山前輩

讀史二首

壬申十一月晦日陶雲汀前輩三十五初度集

飲印心石屋次日以詩索和作此答之

海上受降圖詩爲朱芝圃前輩作

顯朱芝圃前輩秋帆載石圖

次唐鏡海韻送周寶夫出都

贈友用前韻

冬日詠懷四首

顯李子佩詩集

漫興

稚圭臥病作書柬之

消寒第一集顯聽濤書屋圖爲劉矩堂同年作

湘夢軒消寒第二集呈諸同年

書事

余夙有壯遊之慕今歲校修一統志舊興復萌  
走筆賦此

湘夢軒小集得葛仙米十二韻

枕上口占

賀唐鏡海得子

歲暮偶書

稚圭齋中消寒第三集用東坡臘日游孤山訪

惠勤惠思二僧韻



同日又作用前韻

寒夜饑餉甫仍用前韻

顓柳塘春曉圖

按試澤州簡陶季壽

橐筆從軍圖

畫扇

卷三

余量移山左母氏及兄嫂憚於遠涉行將歸矣

適以闡事羈身益憎離緒惓然成詩

棘闥清暇輒念故人好鳥送音時復有喜率成

短詠聊以自娛如彼啁啾不自解爲何語

和陶雲汀中丞海運初發致告 海神原韻

丁亥三月二十三日自江南入

觀舟次寶應感懷

有引

同日又書

是夜作

送葉大令

維庚

之任江陰

道光庚寅仲冬間母病自金陵解官歸省二十

三日大風泊舟馬當山適舉一子時余年已

四十有六此其震之一索也詩以誌之

歸舟述懷

白顥仁園騶虞圖

再顥騶虞圖

質夫四兄於宅後小園隙地構屋數椽天中節  
後一日招同雲岡兄暨蔗農丹麓兩弟會飲  
落成兩弟皆有詩余亦不能無言走筆賦此  
並謝園蔬宜男草之賜  
不寐

顥荷屋中丞西湖秋泛圖

顥宮保陶雲汀前輩

御書印心石屋圖

有引

壽唐敬楷廉訪六十

道光丁酉冬伊莘農制府閱伍來黔牒訴稀簡  
作詩見寄依韻奉和

顓任薌圃觀察登山臨水夢將歸圖

庚子立春日王鴈汀學使讀古感懷得四詩見  
投不覺怍怍於中率筆奉答

商爵歌爲梁芷鄰前輩作卽次其韻

黃心齋太守年兄以道光庚子重過晉祠憶及  
嘉慶戊寅與余同遊感而賦寄依韻答之

沈蘭泉封翁九十壽詩三十二韻爲飴原臺長

同年作

周執菴觀察改官銀臺將便道展墓以餉鶴圖  
馳書索題賦此送別

將以癸卯元日祈雪龍神祠先夕用東坡聚星  
堂韻成此詩

題楊忠烈公遺札

題陽明先生像

有引

題明萊州太守朱烈愍公守禦圖冊

有序

贈何子貞太史卽題其使黔草

甲辰秋闈苦雨簡藕舲學士子貞編修兩主司

止悲詩爲陳岱雲太史作有引

丙午冬月之任豫藩途次口占

蒼松老屋圖爲羅研生題

姪孫彬煌校字

孫克

繩重刊

耐菴詩存卷一

普化賀長齡耦庚菴

皇上六旬萬壽恭紀

萬壽雅十章

謹序

嘉慶二十有四年歲值屠維月在大淵獻恭逢

皇上六旬萬壽慶辰嘉祥麟萃諸福駢集

慶澤疊施周浹宏溥香壇禱頌山呼歡呶聲動天地煌

煌乎

帝者之上儀詰誓所弗及已伏惟

皇上躬至聖之德豐茂世之規



敬

天

法

祖

勤政

愛民中外同愉高深畢洽然猶未明求衣日旰忘食翼  
翼勤勤二十四年有如一曰武王帶之銘曰恭則  
壽魯論曰仁者壽德至則特轅自然之理也臣謹  
按德莫盛于唐虞功莫懋于文武然封人之祝野  
老效頌賁而不文考之周雅所陳如天保棫樸諸

什受天福祿而進之以升恆日月之歌壽考作人  
而推之於雲漢爲章之盛一時公卿士庶嚅嚅道  
真涵泳聖涯將其忠愛之誠而致其頌禱之實鐸  
錙炳耀焉奕千載斯治世之隆軌也至唐柳宗元  
有平淮夷雅明王世貞有明雅而頌天庥以介純  
嘏則無間焉非其材之不逮抑其時治道之未光  
也臣幸值

昌期躬逢

盛典屬以奉

命視學山右不獲趨赴

丹陛與於拜舞之末而望

闕慶忤不能自己謹撰爲雅詩十篇以獻

於昭

美世德也

聖清世受

天命克世其德也

於昭

聖清誕膺

景運篤生

高皇武烈丕奮

文皇繼統無思不順無怠

國俗無斁

祖訓

章皇紹之以宣昭

義問

於昭

章皇纘

緒克昌

天戈一麾乃墮天狼放牛桃林歸馬華陽

義武趯趯於湯有光

仁皇紹之以對於四方

於昭

仁皇緝熙執競既戎三粦四海榮鏡篤之撫之以游以泳

煦之嫗之以生以正

憲皇紹之以保有

景命

於昭

憲皇躬秉聖哲抱表懷繩執義陳臬整之敕之百辟有潔

匡之直之九寓有截

純皇紹之以光於

前烈

於昭

純皇凝績撫時紹庭夙夜陟降在茲丕顯

寶訓是儀是師不念民瘼是諏是咨我

皇紹之以章我

青暉

於昭五章章十句

皇矣

天命也 聖人顧諟天之明命無時不敬也

皇矣

上帝惟德是眷

大德凝承延洪錫羨

南郊

北郊

躬申藻奠高燦上通流華吐絢

齋肅寅恭普淖昭薦

惟

聖時憲沕穆芝房

時雩肇舉薦璧升香曰雨而雨曰暘而暘昭應感通兆爲

豐穰萬民罔不康

惟

聖時憲式禮雍容

祈年

祈穀瑞協

天宗辛占上次亥藉南東紺轅黛耜

四推劭農百穀罔不豐

惟

聖時憲將事如在

六宗

羣望歲時匪懈肅肅僬僬薦薌晻藹河嶽吐符日月  
清泰百祿罔不介

皇矣四章一章章十句三章章九句

嗣服

繩武也  
繩其

聖德重光  
祖武也

昭哉



嗣服不息自強

紹

堯見羹

述

舜見牆一話一言曰

祖訓臧

昭哉

嗣服執中

授

受河圖在左赤刀在右一政一令曰

祖微守

法

祖

考仁含和執冲

唐廚扇箑

虞殿揮桐蒸爲清氛疏爲冷風  
咻咻喁喁衢樽致中  
法

祖

考孝齋夔夕惕原嶽

衣冠橋山

劍舄土壁葛鏗

前徽赫奕洞洞屬屬優愼允塞

法

祖

考誠有缶其孚珍黃內蘊太紫中樞如量受槩如節合符

郁郁嶷嶷春袞秋鈇

法

祖

考敬虔輦不已執玉晨興投籤夕起如金如瓊如冰如砥

亶亶穆穆前巫後史

嗣服六章二章章六句四章章八句

勤止

勤政也 聖人秉乾健之德庶政皆簡心焉

皇既勤止日總萬幾宵中索燭昧旦求衣海隅雖邈奮  
雷煦曦民隱雖微雲靡風馳以求以思夙夜敢不  
熙

皇既勤止求賢抱蜀有鶴在陰有鴻在陸飲之食之文  
儀鸞鸞引之翼之聲和韶箎以其以肅夙夜敢不  
勛

皇既勤止求言無恪設鐸思箴懸鞀納諫涓滴不遺如  
海之潤土壤不擇如嶽之鎮以遴以進夙夜敢不

慎

勤止三章章十句

靈雨

愛民也 天子求民之依無時或釋也

靈雨既零惠風既承如春在空欣欣向榮或衢而  
詠或壤而賡奔走偕來同我

昇平

靈雨既濛惠風既融如橐鼓物生機棣通或棠而  
芾或黍而芄含甘沈滋遊我

堯封

有龐者老或作或息翼翼橫縱我疆我場油油黃

茂我黍稷匪我之積唯

天子之德

有烝者士是度是絜訢訢德音我琴我瑟濟濟

國華我黼我黻匪我之質唯

天子之錫

有蚩者氓爰居爰處軋軋在戶我機我杼綿綿在  
體我絲我紓匪我之奔唯

天子之子

靈雨五章章八句

天章

歌聖學也我皇學  
紹古聖道備於已也

耐菴詩存

卷一

八

倬彼

天章昭回翕赭

聖性欽明淵渙恭默覽閱書林垂情古則討源洙泗  
御論明敕惟精惟一而康而色蔚乎

文思亶乎

峻德億萬斯年人倫立極

書契旣興載籍遂博羣言殊塗衷諸

聖作

謨烈維昭纂經於鑠我

皇繼

武學古道擴瓊笈琅函金舌木鐸

丹毫裁制曰筆曰削億萬斯年

道光六幕

聖敬日躋動與道俱發爲

宸藻巍乎煥乎維商銘盤維周箴杆

味餘藻耀

幾暇文剪八年一集轢範較謨

經筵垂論繼統唐虞億萬斯年

德炳珍符

天章三章章十四句

耐菴詩存

卷一

九



桐梓

辨官材也官材辨則民得所矣

桐梓猗猗在彼南山資爾作室是艘是丹

皇曰欽哉善葆爾真爲梁爲棟維

國之珍

桐梓猗猗在彼旱麓資爾作輿是剔是斲

皇曰戒哉善治爾樸或馳或驅維

國之軸

爲屏爲翰下民承流

軒鑑在懸靡微不周害馬旣去噉鴻旣鳩

皇曰俞哉爾公爾侯

爲令爲牧下民從欲

虞門載闢靡幽不燭澤桂旣薈泮芹旣彘

皇曰嘉哉爾福爾祿

桐梓四章章八句

奕

講武事也

聖人仁義

并用威武服于天下也

奕奕高山皇皇

六師肄習以禮簡練以時動止進退中矩中規如江如

漢如雲如霓箕張翼舒丕振

皇威

舊典

耐菴詩存

卷一

十

恪遵木蘭

講武虎鎗花刺兔弧風舉三面開網兩階舞羽緬象款

關犴島受土民望如春

皇師如雨

皇命出師

威申

天討苗氛旣靖蓮敎無擾如風捲簾如霜振槁燕幕巢

空蟻軍穴埽市肆不驚

皇心惠保

蠹爾小醜負嵎而張蹂躪于滑臂奮螳蜋

皇命整旅武夫洸洸  
螢消渤海石燼崑岡躋之

春臺熙熙穰穰

奕四章章十句

敷天

行慶也天子行慶施惠澤及四海也

敷天

錫慶丹鳳銜

書湛汪濫溥浸於肌膚乃

命使臣皇華載驅翕河喬嶽金吐雲嘘青郊集鳳翠渚

浮鱸沈圭告瑞檢玉凝符

懷柔徧洽遠邇交孚

迺

篤宗親麟趾寵邀迺

嘉耆舊鶴杖崇褻追榮錫類錦軸花影旌門表戶彩楔

雲標

桂宮露滑灩灩黃醪蕊榜香添濟濟青袍

恩綸四被人沐春膏

迺優三老

賜帛被體迺恤七萃投醪浹髓列校走卒挾纊而喜編  
徒埭心聞馨而起秋賦載調春祺載美貫索躋空

園扉草薺

惠圖宏勇

蘿圖錫祉

勇天三章章十四句

福福

受慶也 朝野懽悅  
篤福于萬年也

秩秩福福玉海時調將將九卿雍雍六曹奉養  
首拜

螭陞坳咸英風動纓佩雲搖

秩秩福福雍昭和穆龍節蜺旌九州之牧鵠峙鵠  
趨爲我

皇祝如松如柏如嶽如瀆

紺霞爛紉卿煙繚紛旃裘之長羈幕之君鱗集景  
從祁祁如雲載拜載賡

天子萬年

寶樹儀鷄香林舞鸞耕鑿之謠中和之奏黃髮元  
韶臚歡奔走載歌載颺

天子萬壽

禔福四章章八句

耐菴詩存卷二

善化賀長齡耦庚著

何仙槎陶雲汀諸前輩招飲賦此卻謝

我初任衣冠便已習杯杓觴奉高堂歡籩膾諸昆樂比  
鄰其敖嬉賓朋閒酬酢時和興不孤齒增量逾碩秋筵  
金粟香春譙瓊林灼遂分帝臺漿一洗古人粕長安盛  
文譙腸肚厭脾臑投魚漉芳津捫馬飫甘酪厥品區聖  
賢所受辨合龠每當吟壇豪動苦酒政虐我腹終年攄  
金樽時一鎗漉巾聲謹呼解衣意磅礴說詩膽氣麤看  
劍目光曜不辭情激昂喜助興揮擢如投句踐膠沼吳



伯圖拓如飲舞陽卮安劉帝業鑠忽如七椀茶兩腋風  
聲作又如百合香竟體芬馨著知味曷敢誇所得殊不  
惡吾鄉足賢達招邀或歌詠何郎拇戰雄陶令酒腸廓  
樹幟各晉秦相持若儀錯而我廁其閒培塿企衡霍鍛  
翮甯同鸞求伸轉類蠖但思軍搥堅不悟敵示弱再鼓  
氣先衰未陳勢且薄業已授之瑕能不面自縛從此謝  
酒兵不敢問歡伯或云少輒止胡弗節三爵豈知蟻隤  
隄寸穴成巨壑或云醒而狂不盡由酺釀豈知虎得翼  
飛騰恣擊搏我亦頌狄康我亦慕伶籍不可以學可學  
兼有斟酌第云是悟今甯必非知昨試吟止酒詩請與

同人約

人日歐陽坦齋農部招飲二首

自我來京師七見長安春  
入春倏忽又七日攬鏡自笑  
人日人喜君折簡赴君飲  
肯許此日隨飄塵熙熙萬物  
方逢寅鸞鳳旣翥鴟梟馴

天子聖哲宰輔肅到眼盡是華胥民風和景明六街淨  
天亦有意咸與新座中濟濟皆佩紳君逾半百我三旬  
君才如此老不伸我壯不如他曷論回首去時已離瞥  
作計來日毋因循吁嗟乎日雖新兮人則陳安得年年  
此人此日永駐羲和輪

脫口多清妙寶筵此夕陪詩如人並健風與酒相催跌

宕無時樣評量有吏才

席閒語及國初諸大吏

頭銜方待換白戰

喜樽開

時農部將遷官侍御

### 月夜懷劉大醇甫並簡周十稚圭

簷前新雨歇檻外雜花禪晚來薄寒生把卷親鐙火有  
得輒欣然高吟興亦頗捲簾月初升清輝辨么鷹是時  
正十五天中一鏡大卻憶劉賓客離懷逐吳舸握別忽  
幾時木葉西風墮嗟余滯長安中年走塵堞知交半寂  
寥孤吟寡酬和公瑾吾同心近復成病臥隔別動經旬  
相望不相過比日炎氛消舊恙或痊可豈無訪戴心風

雨愁摧挫苔痕庭院滋一綠靜如鎖此意復誰知周旋  
我與我君儻載酒來相逢一笑哆

送陶季壽之官石樓

循吏稱有漢著美班范書要其致治本學道乃根株淵  
明古君子萬卷羅胸儲一試偶不第挾策風塵趨君昔  
官江左鹽筴勞轉輸君今官山右司牧勤求芻人或爲  
君惜作計毋乃愚君才備雅頌宜直承明廬胡爲技小  
試鞅掌空馳驅我云此固然其出亦裕如君言明且清  
我知非迂疏君懷坦而易我知非矯誣讀君可莊詩襟  
抱多恬愉軫念到閭里纖悉情畢摠本此飾吏治卽足

碑

廟謨奚事侈清要橐筆依

紫樞唐俗舊勤儉蟋蟀風詩摹晚近雖稍變古意應未  
渝惟間歲偶歉難免庚癸呼要須調劑之夙宵勉究圖  
春風扇萬彙煦嫗無榮枯河流潤百里燥溼皆沾濡大  
德無小惠所恃真意俱絃歌有雅化毋爲徒補苴

送尹五墨卿省親湘潭卽之官江西

憶我識君初其時歲丁卯文場罷戰歸意氣各傾倒洋

洋千餘言脫口飛麗藻

時遇君于黃花耘座間君自誦場中作

謂當貢玉

堂胡乃荆璞抱走也竊科名策馬長安道朔南遂分馳

一別幾炎燠前年好信來  
刷羽秋風早更有江夏黃聯

轡蟾宮曉

戊辰君與花  
耘同捷秋闈

轉念疇昔游前蹤渺鴻爪及茲

幸追歡一洗離思擾人事多乖連春風苦懊惱話舊曾  
幾時歸裝忽草草迴首湖南天遠懷送飛鳥差喜黃生  
畱稍慰愁腸攬今年蕊榜開蓉鏡佳音兆君才劇清華  
合躡蓬萊島牽絲竟長征相見日苦少黃生又遄歸  
操風塵老往事忽如夢別緒紛難埽君今故鄉去萊綵  
庭前繞西江況咫尺帶水移家好所期政聲賢庶可初  
心葆庚桑有尸祝榮名以爲寶

種花詩次唐鏡海韻

閉門弄柔翰墨池夜飛雨寫生媿無能刻楮竟何補讀  
君種花詩花意如可譜妙緒紛天葩清詞洗塵土想見  
高齋前生意十分溥顧我樗櫟姿尺寸靡建樹繫匏久  
所甘飄蓬果誰主西風颯然來奪此陽春煦落葉浩已  
涼芬芳更何所亦思種秋花隙地不容武惟有桑一株  
盤桓若儔侶丁香亦蔥蘢分綠到牕戶大椿蔭其巔春  
秋難具數好鳥時一鳴孤懷自軒舉惜哉霜信催風物  
增淒苦晚節有真香終當問秋圃

陳滄洲先生手植古槐歌

槐在京城  
湘潭會館

先生軀幹偉且長先生志操清且剛良材早荷

帝特簡勁節豈與時低昂先生莅官始一邑種花嘖嘖

稱河陽中間游歷幾州郡政聲到處推循良書名尙可

逐疫厲

蘇大疫公所至疫斷民書公名鎮于門

鋤奸那復畱苞稂當時江

介多菜色先生一一扶癘傷材大難用古所歎萋菲貝

錦讒言張束薪照耀勻水絕

公守江甯爲制府阿公所劾公就勘民皆火一束薪

燭之去復燭公歸繫獄時或絕其食獄卒私哺以餅守者怒杖卒日通一勺水入獄者如之

白日凜

冽天飛霜舉世媿阿直節屈挺然孤幹摩青蒼千挫萬

折轉遒勁肯與桃李爭芬芳後來河渠績尤偉一柱獨

挽狂瀾狂金堤三步頃刻就中夜如有神扶將

公待罪江甯

詔公以一日夜在鎮江口修築三步時江口水湊湏急估爲募工經筏半夜而三步成

盤根錯節



利器別至今民免其魚殃如何後裔竟寥落百年迴首  
悲滄桑此樹婆娑幾時植霜皮偃蹇虬枝強卽今長夏  
偶休憩凜然寒氣侵虛堂想見爾時退直暇科頭箕踞  
茲徜徉恨我生晚不及見對此百感來蒼茫庭空月落  
大鳥去

公生時太夫人夢大鳥挾一青衣童子至

唬鳥夜夜愁人腸

題王曉村槐館傳經圖

首善京師地觀光上國寶巾箱儲絕學圭璧見斯人夜  
雨寒穠溼秋鎧老屋親披圖重迴首舊夢話艱辛

輦道盤輿動橋門鳳蓋停

今歲二月上詣學釋奠君與襄事

聖朝方重道國子況明經鐘鼓歌周室衣冠揖漢廷他

時天祿閣藜火更分青

陶雲汀前輩有西河之痛作詩見示賦此答之

返魂竟無術雙淚眼中新君本多情者矧茲天性親車

騶初夜夢

哲嗣生時夢車騶至門

雷雨去時身

歿時大雷雨

我欲問蒼

昊杳冥難具陳

余年近三十未卜大人祥結佩思萱草何時慰北堂掌

珠羨雙秀

君有二女

蘭夢況懷芳

君姬人方娠

湯餅應來賀休嫌

字誤麀

唐鏡海席上觀七星劍

劍有血蹟不可拭云某都司曾攜以入海殺賊

雲幕高垂漏傳箭華屋香濃晝開宴怒芒出座人皆驚

白日虛堂掣飛電七星錯落誰摘下玉斗珠杓燦盈把  
光燄能令魑魅逃魁柄翻疑天帝假長鯨蹴踏白浪高  
峩峩戰艦馳星旄闖然一躍賊膽落鼉鼉夜泣蛟龍號  
銀濤如山屹不動但見練影明秋毫篋中韜晦今幾載  
血點模糊色不改宵來風雨時吼吟虎氣猶疑照溟海  
不隨猛士隨儒紳干將頓與毛錐親功成身退聊復爾  
當時戰伐難具論劒乎劒乎善藏器妖氛卽日清宇曄  
鋒銛莫湧向人試

送袁升庭之官粵西

送子桂林去荒荒地苦貧隨車應有雨過嶺卽成春土

俗披圖古村歌入耳新所須勸畊種行野亦經綸

粵西多曠

土民鮮力作

民夷久雜處攘竊苦紛紜

近歲粵西多盜

藤峽連崖起梧關擊

析閭科條甯不畏保障要誰勤此去單車好應爲靖盜氛

七月十九日招同歐陽坦齋農部何仙槎前輩遊  
崇效寺出南西門至三官殿看花小憩尺五莊  
歸途復遊報國善果兩寺得六十韻

索居悄無歡蕭齋動遐想招邀恣幽尋意氣殊駘蕩策  
蹇過城西驚沙接莽蒼停騶小延伫耳目忽軒朗下車

款禪關崇效兩字榜一徑入延緣蒼翠落軒幌何來白石  
屏森然列方丈燦若姑射姿擘似巨靈掌峯巒百嶽  
崎煙雲兩摩盪對此心夷猶翻思躡屐上嗚呼咫尺閒  
乃可千仞仿看花戛出城連軾同掉鞅快尋古殿遊瞥  
見秋葩長牆角轆轤聲嘔呀激清響一水穿庭過灌漑  
到畦壤山僧揖我前堂階坐閒昶爲言豐臺芍拍手爭  
誇獎芳春二三月花開大如盎城中貴遊子珠勒聯翩  
往歸來載盈車爭妍耀儔黨一枝重連城價可敵璆璫  
村前數萬家藉此資豢養其利倍農桑兼可脫塵網但  
使花事濃卽勝豐年穰嗟哉菽粟美轉遜芳菲賞揮手

謝山僧意行出榛莽亭亭尺五莊萬籟爭一爽繞檻開  
芙蓉編籬雜篠簜何郎初到來高吟氣慨慷相將踏芒  
鞋那須拄筇杖歐子忽長喟畢然緬疇曩云昔金尚書  
別業斯地敞粉黛羅修眉笙歌轉柔吭朝爇鑪香薰夜  
翦燭花晃繁麗雄京都一時更無兩後來苦淫潦華屋  
墮泐潯山月嘒魑魍林風叫夔魍已見竈生蛙無復川  
圖輞比年稍修葺前規渺難倣是時涼飈生颯然增悵  
惘迴轡遵通衢佛像重瞻仰琳宮創何時遺址前明昉  
幽砌吟寒蟬空庭翔鵲鵲老松四五株擎空勢崛强下  
有古豐碑茈蔭百年仗摩挲點畫新使我技忽癢仰視

興轉適秋氣飛沆碣薄藹忽冥濛殘陽下嶂嶰鼓勇還  
前馳倏來豈嫌儻紅牆護周遮紺宇絕氛垓當日中官  
姚立廟此繪像丹艧走蛟螭金碧吼獅象圍玉腰盤龍  
鏤金身繡蟒塗飾何輝煌豈不惜藏緼謬誇善果成幾  
類生祠享至今春秋時馨香尙肸蠁往事難重陳斯遊  
頗自廣及茲半日閒稍息六鑿攘過眼餘流連回頭已  
惆恍何時隨狙公共拾山中橡

送曹二翊庭之官繁昌分韻得政字

筮仕無崇卑所期職先稱矧茲赤望區託彼蒼生命行  
矣毋遲迴及此年華盛曩君宴鹿鳴我初習吟詠論年

終軍齊量才子建勝北遊氣益豪聲華動羣聽謂當拔

幟登張吾楚風競三則何迤邐十上空蹭蹬而我忝同

門先後淵源證

翊庭以甲寅鄉試出湯二樓夫子門下

羣仙到我前高步

天衢淨接踵喜君來和聲叶球磬毫簪玉署清賦獻金

門冀君才十倍我高文卓輝映儼居況比鄰追陪足清

興歡如鍼芥投意厚金蘭訂弱水忽迴舟虛堂遂懸鏡

朋輩羣咨嗟仙凡倏逕庭豈知濟世才天乃假之柄一

官既庇身萬夫且觀政西風昨夜來惻愴百感併詰朝

晤歐子爲言行期定迴首天蒼茫秋色上鞭鐙惜茲片

時畱願以一言贈繁昌古名區襟帶大江互財賦向所



饒杼柚今亦罄撫綏豈無方補救賴賢令我聞浮邱翁  
牧雞曾此境飲啄酣天和翔息馴物性孳育日以蕃生  
機徧涵泳想當仙去時雲中呼可應萬化妙一真大道  
此胎孕君其識斯意民當載清靜

登西隄望昆明湖

泚眚湖光萬頃連無名

聖德總淵淵鯨鯢已見重溟靖鳬雁從看一水鮮眼底  
旌旗虛漢代波閒日月足

堯天時清但覽臣僚暇卓爾先賡退食篇

宮門幾度點朝班忽此句畱亦等閒淨綠千回縈

北闕空青一點漫西山應知雲日同瞻就未信天風驟  
引還碑碣摩挲先烈在朝朝龍氣彩橋閒

顏魯畚席閒食魚生和唐鏡海作

上古不火食天乃啟燧皇如何脰胸美不假烹飪良咄  
哉顏氏子古意高韻顏薦此粵中味遠軼張翰鄉秋風  
送朝爽列座賓筵張栢酒一相屬匕箸爭快嘗余性畏  
寒食到此亦自強調以辛與酸芼以薤與薑人功謝燔  
炙天趣餘芬芳咀嚼忽有得芑角擲我腸長安侈魚膾  
萬錢一食償太羹與侯鯖風味誰短長

送周希甫太守之官南河

大材不終棄遷地能爲良利器果在抱盤錯庸何傷公  
昔宦牂牁政聲揚令芳罷官走京國蕭然餘破裝傾蓋  
得良覲清論聽琅琅說詩氣跌宕談往神飛揚飢驅困  
奔走遠道更踉蹌鵬唳蜀月冷蛇盤秦雲長彈有萬里  
缺齋無三日糧歸來賦詩卷好句盈奚囊披誦未終什  
忽若凌風翔關河落我前猿狖號我旁想見嘯歌時懷  
抱多慨慷乃者河流溢籌策思宣防公也荷

特簡

召對披天闔

帝曰汝克諧往哉慎保障卽時戒徒御行色何蒼黃上

感

臨軒命下塵其魚殃砥柱我公賴何以迴瀾狂西風林  
外來颯然生新涼離亭重握手爲公進一觴公乃賢太  
守此行民所望

題李子佩畫松小幅

破空風雨響老幹一枝撐妙筆離形得奇姿落紙驚拏  
雲何突兀拗鍊太縱橫黛捲秋無際濤奔夜有聲先生  
真好道對此不勝情語我六朝古曾爲三楚行碧分湘  
水暮青接麓峯晴泉石追新契煙霞證舊盟蹢躅詩杖  
舉跌宕酒杯傾霜色應無改冬心早共貞慚余逐萍梗

結佩憶蘭蘅鶴去人俱老苔荒迹已更塵容負蘿薜瘦  
影愧簪纓迴首雲都渺披圖夢忽清胸中鬱<sub>七</sub>角眼底  
埽榛荆便擬扶筇去誰當把臂迎詩成還索燭窗外峭  
寒生

送趙筵樓前輩觀察粵東

言官言天下監司司一方天下苟洞矚一方足保障公  
昔居諫垣直聲動巖廊公今荷

特簡政聲想令芳措施良不易矧乃盤錯場間公對

行幄讀書蒙褒揚

公請上屢稱

爲訓行在讀書人

窮經以致用

天語何煌煌乃者盜氛戢

聖德宣重洋風清蜚戶肅窟埽鯨波狂此邦號難治亦  
復熙春陽陶化果有術鴟鴞皆鸞鳳大吏況多賢新政  
好贊襄上感

丹旻眷下塵蒼生望偉抱知夙裕那須瞽說商秋風戒

徒御祖帳都門張臨歧辱投贈厚意逾琳琅

臨別承以書硯等物

見感此難爲懷賦詩寫衷腸公母負公言行矣罔不臧

### 聞錢襄山中丞計

桂林曾一面揮手竟長辭未徧周郁雨先騎商傳箕樹  
護猶有母式穀況無兒感此百端集茫茫知問誰

紫府雲歸處

公歿前數日自顧其畫有我欲相依紫府之句

青山月墮時馳驅

而者言本  
卷十一  
臣力竭繾綣

帝心知

渥眷真無改

公遺奏至上震悼所以恤之者甚厚

循聲定可思保釐今

正亟痛切大星垂

喜雪

又見瓊花合清輝入戶新乍添今夜白先釀隔年春三  
徑不須埽一鐙常自親寥寥窮巷裏僵臥更何人

雪夜訪白小山前輩

意行惟所適握手更欣然譚笑各千載流連仍一椽游  
塵窗外淨宿火室中傳興盡且歸去娟娟霜滿天

讀史二首

納錢問西園賣爵問西邸  
嗚呼萬金堂何如土階美  
黃巾張黑山楮將軍有力  
各自努張父趙母方夾輔

壬申十一月晦日陶雲汀前輩三十五初度集飲  
印心石屋次日以詩索和作此答之

臘鼓來朝急華觴此夕隨  
年纔古稀半心已歲寒  
知結契非流輩論文亦我師  
殷勤一樽酒此意要相期

海上受降圖詩爲朱芝圃前輩作

嘉慶十四年洋匪朱渥投誠時

公守福州董其事

鼉鼉跋浪鯨鯢驕海水四立天風高  
先生單舸出重險



赤手逕挈妖氛消潢池盜弄經幾載

廟堂動色咨旰宵頃者鵠首膏斧鉞

先兩月蔡逆盪平

紛紛鼠

竊爭潛逃餘孽陸梁勢轉盛

朱渥勢眾于蔡

二十三島森周遭

幕羶已見惻輸蟻食甚未必音除鴟昨雷今雨本兼濟

議撫議勦徒雜嘈先生奮起百不顧片帆直指三山椒

腰閒不繫萬金劍足底忽飛千尺濤出入潮汐走白馬

呼噏風雨鞭靈鼃精誠能徙大海鯢意氣早懾長橋蛟

遂使層霾積晦窟重覩化日熙春韶是時

壽寓正臚賀

時值皇上五旬萬壽

乾闥坤樺珍符昭釋甲同奏

鎬京鼓舞干並答虞陛簫

天爲

睿聖錫嘉祉元氣所浹無漓澆書生詎必習弧矢運籌  
將略恢六韜轉移變化在俄頃要宣

主德蘇民勞先生之心此圖見焉用麟閣雲臺描

題朱芝圃前輩秋帆載石圖

間昔篠簜返蕭然行橐虛卻看選錢日未異下車初棠  
蔭三山在蒲帆一葉疏當年鬱林石視此定何如

次唐鏡海韻送周實夫出都

時方下第

平生不喜山澤臞自謂建樹隨所如無端清興飛江湖  
送君頓使歸思俱君才秀發初日葉亭亭秋水纖塵無

梗枏早合貢

帝都胡爲來往空馳驅君家昶顙真雙珠清言霏屑鏘

瓊琚

君兄介夫亦工詩善談

文章無靈爲世愚紛紛俗口來胡盧

我今得君喜不孤如熙陽春枯荄腴又如跛鼃隨靈駒  
欲往從之嗟半塗眼前咫尺生崎嶇誰者榛莽誰亨衢  
如何百里徒儒儒此才且應君相需我欲與君賦卬須  
手擘金字分圓符指揮士卒藻戲鳧萬騎左右鳴鞭趨  
幕府方尙縱橫謨君齒況未強仕逾勗哉此去雄牙鬚  
有人好賢譌折儒

贈友用前韻

神鵬之健仙鶴臞英姿颯爽誰能如不留魏闕畱江湖  
詩名官職應難俱世事榮落風中葉塵沙過眼皆虛無  
曳裾走馬紛麗都輭紅滾滾爭先驅魚目生輝輕夜珠  
砭砭得價羞明琚守拙且效愚公愚游戲何必非都盧  
嗟君此別心蹟孤愁腸夜攬難爲腴繫維無人歌白駒  
相望千里悲廣塗荆棘況乃多崎嶇駿足欲騁無康衢  
通天地人斯大儒誰其相遇誰相需只今民食資封須  
風雨何由調泰符不然泛泛同水鳧抱竿又恥隨人趨  
禹成厥功皋矢謨盛猷豈並年歲逾欲攬明鏡看君鬢  
寄詩聊作關門繻

冬日詠懷四首

朔風欺白日亭午生陰昏豈不思煦嫗寒勝難爲溫春  
霄熙初陽煜燦輝九闔亦有霾與噎嘘拂皆和暄時乘  
德乃大軌正權斯尊安得廓層翳萬古扶桑暎

雲廷置諫鼓昌言日以咨都兪與吁咈有懷期其披  
府敘金穀所貴修和之但聞戒逸欲不聞籌度支豈無  
洪水倣稷枯登疑疑豈無丹浦戰衢壤歌熙熙

蓬子爲朝饗鴈羹爲夕餐豈伊造物忍用威君德寬不  
見噉鴻苦乃兆維魚歡如何監門圖不向朝亡看

一木可支廈寸膠能澄河如此易易耳所得亦已多寒

鳥熙朝陽飛上百尺柯  
簷前日送喜好音爲我歌  
風雪忽凌逼毛羽空蹉跎  
翩翩九苞鳳乃在丹山阿

題李子佩詩集

長安十日五日風閉門  
瑟縮禽棲籠手君詩卷一  
以誦寒窗盜如春風融  
年來萬事不挂眼文字結  
習猶盤胸暇時過從雜諧  
謔意興往往多君同君詩  
清妙絕塵瑩颯然風雨來  
空濛就中託詠半吾楚  
澧蘭沅芷愁能工有才如此  
困行役將母屈宋相邀從  
轉憶故山好風日靈境祇  
合他人俱掇拾無力任攘竊  
此計雖左情亦公浮蹤已墮  
萬人海魂夢枉與三湘通  
丈夫得時貴有濟

一命雖竊難爲功追隨亦許備鵷鷺談笑未必驅熊羆  
不如歸去事耕釣鄉里善人田舍翁淋漓四壁寫君句  
坐臥即可追遊蹤忍寒擁鼻忽自笑此願果否能無空  
買山未得且買酒醉鄉大戶吾其充

漫興

捷書已達甘泉奏烽火猶連的博城虜勢目中應共見  
諸候壁上漫相驚蒼蒼亦挾風雷氣憤憤翻成草木兵  
幾夜峭寒膠欲折何當挾纊一巡行

稚圭臥病作書柬之

安心是藥更無方

東坡句

片語居然續命湯我輩由來盡

懷葛斯人那用一彭殤峭寒點點增淒緊朔吹聲聲動  
激昂但使萬緣空半偈此身何處不康莊

消寒第一集題聽濤書屋圖爲劉矩堂同年作

盪胸波瀾破空起吾心咫尺卽萬里揭來偶作山水觀  
古井依然怒潮駛咄哉劉生呼我觴蒼蒼老幹撐虛堂  
濤聲忽落酒杯裏意氣直欲爭低昂填膺塊壘不可澆  
對此翻疑雲海高中一氣自迴薄眼前萬事徒紛囂  
劉生筆妙世希有斯圖狡獪又誰手清泉白石歸去來  
我欲呼君重貰酒

湘夢軒消寒第二集呈諸同年



性嬾杯盤常偶爾放翁句興來塵界亦翛然素心猶得兩  
三輩高論直須千百年莽莽風煙看大地森森魁柄仰  
中天樽前卽是太平寓肯把流光付逝川

書事

一炬平安望不來風聲鶴唳總驚猜伏波竟有賈胡誚  
趙括居然上將才虎但負嵎終蹙縮鹿方走險莫徘徊  
九重宵旰何時慰又見崢嶸幕府開

余夙有壯遊之慕今歲校修一統志舊興復萌走  
筆賦此

富貴豔眞臘太平誇閭婆信美亦吾土何必懷軸適太

史探禹穴博望窮星河豈惟恣遊覽兼足供搜羅嗟余  
墮人海終歲門閉螺齊竿恥濫列荆璧空自磨往年桂  
林役到眼生嵯峨頗媿珊瑚網海差喜山捫蘿歸帆指湘  
浦舊遊足吟哦如覲故人面相識無差譌王程苦迫促  
勝事終蹉跎一紀忽得半流光隨擲梭我無龜茲枕又  
乏連錢驄十洲暨三島想像餘浩歌自笑跛鼃伏空羨  
冥鴻過爾刺滅已久燕市呼誰何邇來校輿志  
皇路祛偏頗朱寬訪異俗立本圖會和大觀得未見奇  
氣爲之多

天威久震疊絕域歸漸摩受吏並芾烏依光同羲娥孔

邇誠足慕在遠甯殊科安得沙棠舟泛彼滄溟波

湘夢軒小集得葛仙米十二韻

崑崙木禾紛石田廣都膏菽俱荒煙丹砂幾粒清且鮮  
至今猶說仙翁仙我欲從之渺何許乞得餘糧粵江渚  
余以庚午使粵購此米歸敢矜陸賈裝千金頗勝嵇含賦孤黍歸來  
持贈誇同人洗手羹湯風味新淵明五斗大可啜臣胡  
一囊猶未貧吾儕食氣兼食穀智巧神明各滿腹仙翁  
妙手能活人點綴靈根賤梁肉卽今萬口嗟嗷鴻斗粟  
欲哺難爲功

詔書方急轉輸費

尙食先裁饗膳供劒頭炊米矛頭淅中夜聞雞欲舞遯  
筵前風月自神仙野外麥禾已蓬荻

枕上口占

下筆那知壽金石致身豈必凌雲霄北風不雪酒誰貰  
南浦未春人已遙

賀唐鏡海得子

旁挺龍目側生荔嘉種由來得氣偏姬人出更喜山輝川

媚處英英珠玉有光連時夫人方有身

曹倉鄴架有傳人不負頻年抱蠹身我亦巾箱受藏弄  
幾時好夢入懷新

歲暮偶書

聲聲臘鼓隔牆搗拉雜情懷此際賒水落每看魚網暇  
林疏時見雀巢斜文章我欲刪優孟事業誰當補女媧  
又是一年好風景亂書堆裏自梳爬

稚圭齋中消寒第三集用東坡臘日游孤山訪惠  
勤惠思二僧韻

隱不必巖與嶂逸不必江與湖賞心樂事無處無但得  
樽酒片時共脫巾箕踞歡相呼君不見五侯七貴盛權  
要有時獨室慚妻孥朱丹其轂紫其綬祇解娛人難自  
娛又不見黑頭三公已白髮拂衣遙指歸路紆絲竹猶

聞謝家墅蓬蒿早荒疏傳廬候蟲感耳雲過眼坐取歲  
月消公孤平時砥節高百尺一旦萎墮同秋蒲古今落  
落幾丈夫千載相望如朝晡爲梟爲鳳久乃見一龍一  
蛇要究圖不然抱簡窮三餘卷懷猶可師衛蘧此計欲  
定直須定稍縱卽逝如追逋歲寒有約在今日請將須  
睂肝膽各各鐙前摹

同日又作用前韻

身廊廟心江湖此語則有人則無四海將伯將誰呼出  
門愧童僕入門愁妻孥隻雞斗酒難爲娛中夜起坐徒  
鬱紆蓬萊無地安草廬嗷嗷耳邊鴻雁孤似聞有人伏

青蒲二麥失種哀農夫如日方中猶未晡假之尺寸尙  
可圖盤中亦是脂膏餘酒酣夢醒心遽遽一身萬事多  
負逋報筆自笑空描摹

寒夜簡酩甫仍用前韻

君家洞庭山我家洞庭湖夢中山水今有無猿鶴夜夜  
空招呼我攜幾口妻與孥強顏歲暮謀歡娛對君祇自  
增煩紆出無車兮居無廬側身人海形影孤早年意氣  
輕穀蒲諧笑跌宕驚凡夫賭酒說詩朝復晡意新語妙  
誰能圖陳蹟一瞥灰燼餘相看恍若清夢遽細數往事  
追亾逋夜闌一一爲君摹

題柳塘春曉圖

雨絲風片幾枝新  
依舊隋隄裊裊春  
驄馬欲嘶鶯語歇  
不知青眼更何人

按試澤州簡陶季壽

局門竟日學枯坐  
故紙鑽研不得破  
驚飆撼撼簷角鳴  
寒旭輝輝案前墮  
回首素心能幾何  
快意故人得一個  
側聞爲政煩習民  
折獄片言畏者大  
擢其秀異材以文  
漑之俸錢美厥課  
今年麥禾強半枯  
此地居然野無餓  
百里未免驥足羈  
五斗亦自折腰那  
吁嗟教養久不譚  
如此治行真足賀  
我來已迫冰雪溪  
對君且自意態作



往復不厭千語窮冷暖猶能一氣呵直須肝鬲傾數秋  
所苦日夕僅一過棘垣無地容騰鶩多士時喜得切磋  
手無玉尺安所量心有簡書未敢悞洗眼或懼塵埋封  
點筆肯教凍筆裹往往珠玉揚陸離益信絃歌有唱和  
更乞片語爲我光敢辭糠粃向君簸

橐筆從軍圖

儒生例不合封侯書記翩翩氣自遒卻想揮毫磨盾日  
筆尖橫埽幾貔貅

戎氛早見靖西南紙上猶疑萬騎趨爲問毛錐近何事  
桑麻雨露足吟談

畫扇

畫中曾栩栩無乃太常仙  
賸粉今何在寒香尙宛然  
梅花應有夢竹葉亦多緣  
我欲尋莊叟春風綠草邊

耐菴詩存卷三

善化賀長齡耦庚著

余量移山左母氏及兄嫂憚於遠涉行將歸矣適  
以闡事羈身益增離緒惓然成詩

自我挾策登公車骨以南北分馳驅幸有弱弟同蹇驢  
春風瑁璫仍江湖側身西望空踟躕此生何日歸故廬  
俄持使節遵蒼梧家庭咫尺親顏舒期迫祇得十日居  
挾弟仍復京師趨

聖明憐我形影孤弟也分校中秘書數椽破屋雙槐扶  
昕宵課姪聲呶晤偶然傳到雙鯉魚呼童烹酒齊軒渠

時復文字相嬉娛有疵交謫妍交譽

天廷擣藻

帝曰兪并州典學今汝除臣學不稱臣願攄臣有老母  
方倚闥指日使奉安仁輿我馬未瘡僕未痛朔風北路  
霜雪飈高年恐不堪長途喜聞母至迎及衢鬢髮雖白  
神則腴伯兄季弟來于于訝余何肥昔何臞母亦顧笑  
談往初謂汝猶記一二無索衣覩果太慙迂叱之慙去  
仍牽裾談劇時將情狀摹滿堂掩口爭胡盧此樂豈可  
多得歟後來視今當何如始願不及

天恩殊兩年重聚來洪都所苦政冗晨昏疏謂待稍暇

相怡愉忽忽已及一載餘

天子有命將東徂老年不慣官閣拘秋風況復思莼鱸  
阿兄阿嫂方與俱我豈戀此官區區

國恩方厚安有軀未老終當竭鈍驚儻得乞近私遂鳥  
獲請亦俟異日圖眼前胡不相依於願且爲我畱斯須  
棘闌清暇輒念故人好鳥送音時復有喜率成短  
詠聊以自娛如彼啁啾不自解爲何語

良友遲不來好鳥枝頭鳴鳴聲清以和若爲談平生平  
生我自知爲爾言其情動極輒思靜怕聞剝啄聲片時  
得宴坐耳目俱聰明靜極復思動恨不賓朋迎卻恐樵

機子聒以所厭聽得爾破寂寥境喧神則清我意爾應  
解爾歌我載賡無動亦無靜天風吹竽笙此境偶然遇  
此樂誰能名三復伐木篇神聽原和平

和陶雲汀中丞海運初發致告 海神原韻

隻手能迴萬頃瀾

初發海運中丞禱於海神故壘遭颶風人米無損

轉輸海上

得奇觀幸叨此日成功易

元初海運踰年始達京師又陸運數百里勞費甚鉅此番

試行以二月初開洋月杪抵天津三月十六日抵通州

僅後東省德州首幫漕艘一日四月初旬即有自津回

到上海之船受兌二運米

誰識當時創議難後戶旁門

名論在

明王宗沐以海運爲河運旁門張采謂之後戶

雲帆杭稻好詩看出來

聖德周無外鯤浪鯨波處處安

自康熙二十八年開海禁以來洋氛永靖買辦

視若坦途故海運  
創行不勞而集

借黃往計未全疏爭柰清流已失儲

甲申冬高堰潰漏運河無來源當事

援往例借黃以濟因清水一無儲蓄黃遂淤運

空有陳塘資保障

高堰係就漢陳登受敬塘

為誰將漢壁奠河渠轉般尙待籌厥層

中丞議奏海河並運并附片請

於袁浦建轉般倉

詔從緩辦折納還虞擾里閭

各省初議折漕停何

似片帆能直達天風萬里一吹噓

宵旰疇咨

詔屢宣

高堰潰後運道中梗屢以漕事

詔詢各省大吏

撫時能不念艱鮮竟

開創局重溟遠

海船出吳淞口從十激放賴有中朝一

德賢

此議建於英煦齋協揆襄平相國贊成之敢以度支煩

國帑

運費皆由外籌辦

未須營造待官船

元明海運船由官造所費無算今則雇募

上海

沙船及浙江蛋船三不像船並天津衛船費省而事捷

海濱使覩千檣集

上年秋間

中丞

暨長齡先後馳赴上海招集商船即時具承攬者一千有二船

朝北高帆盡似仙

上 諺云夏至南風高挂帆海船朝北是神仙

南北分籌指臂從

穆鶴舫尙書親駐天津會同倉場兩侍郎督飭直隸江南各委員經理收

米事

宜體恤周至商情感戴故二運尤爲踴躍

披章有喜動

天容

大府以海運歲事奏請員均荷 俞旨長齡亦蒙

獎敘承辦各

不分綱運

資神力

大府以海船絡繹釋放行奏請不分

爲驗其封重

國供

海船起運時於正載外另以木桶貯米少許爲樣米抵通津時與所載之米比驗無異方收此番米



質米色均較  
常年爲勝  
大府協心羣策集  
此事創行辦理一無成式在北自穆鶴舫尙書

以下在南自琦靜菴制府以下罔不協心宣力用能妥速告成

聖人舉事百靈宗試行端藉

朝廷福莫忘

殊恩矢靖恭

丁亥三月廿三日自江南入

覲舟次寶應感懷有引

江南鹽漕之弊極矣鹽歸場竈漕歸海運茲其

時乎余與江南辭矣賦此以詗來者

謀國端應計久長安民通變本無方曾聞劉晏場輸課

亦有陳瑄海轉糧事涉補苴終罅漏道歸易簡自平康  
關心財賦東南地誰與披雲達

帝閭

同日又書

導河大禹古稱神神匪爭奇只善因惟有功能不矜伐  
直將天地入陶鈞櫛風沐雨皆吾分童律狂章豈異人  
想到元圭敷錫日此心何敢忘勤民

晝夜作

寸草春暉報未能蘭陔何日快趨承

聖人以孝治天下我不陳情罪轉增

時將入覲擬請乞近養親

送葉大令維庚之任江陰

澄江玩月事非虛江陰一名澄江君分校西江試院時夢有人喚往澄江玩月此去

端應有令譽循吏儒林兼者少如君真不負詩書

道光庚寅仲冬間母病自金陵解官歸省廿三日

大風泊舟馬當山適舉一子時余年已四十有

六此其震之一索也詩以誌之

居然水木毓清華喜見庭槐第一花香草待尋騷客里

楚詞云惟庚寅吾以降天風如送子安槎用王子安自馬當山詣赴滕王閣重九會事詒

將清白餘雙管添作歸裝伴五車識取此身要珍重生

來都是玉無瑕

記會

溫語自天詢瞥眼韶華二十春

余廿六歲典試粵西復命時蒙仁宗睿

皇帝垂詢有無子嗣今始得男距退已十稔矣追念玉音不勝感愴

升進可能資經世

用退應不失讀書人待看戲綵隨諸幼指顧含飴慰老

親笑詠東坡好詩句辭官得子未爲貧

坡詩有無官一身輕有子萬事

足之句

### 歸舟述懷

余聞古學者力耕不廢讀少而習民艱始不誚書麓又  
聞古仕者必先歷民牧克知小人依乃造蒼生福嗟余  
竟何成生世徒碌碌流光感逝波四旬忽又六宦學各

平分

余以廿四歲成進士

靡贏更奚縮彼蒼似有心而我乃自枯

學也未知耕幾不辨麥菽文身尙未能如何善民俗仕也未親民簿書空局促疾苦猶茫如情意那能屬始知漆離子匪尙幽人躅自誤亦已難誤人豈容贖羣野非徒耕傳巖非徒築中有萬古心肯爲一身獨膂力幸未愆鋤犁尙堪服老母方倚門弟兄皆聚族羣姪已抱兒伊唔闢家塾念此樂良多歸計胡不速春風行及門把耒衡山麓

自題仁園騶虞圖

聖門重求仁謂是人真髓刪詩首二南騶虞配麟趾仁

民而愛物親親厥基始要須澤葭蓬乃能瑞公子余年  
過四旬猶然艱穀似早歲舉一雌意謂雄可俟忽忽逾  
廿年懸門乏弧矢將無性氣剛自室生生理所在失人  
和憑何返天祉念此勤佩肆聞義頗能徙矢言擇吉祥  
澄懷養歡喜乃者兆徵蘭郵書報母氏舉室頓三春傳  
播到朋齒汪君均乃我先王燕搏風起嘉茲白獸名恰  
好庚寅紀余亦竊效顰淋漓繪盈紙未能夢寶寶之  
有異夢蘇頌卜其必敢冀賜孔鯉司成程春謂安男好  
生貴子見譚訓錄音動吾指司成鵲巢寵夫人摘詞母乃侈太史任階賦  
善醫靈均清芬擷沅芷沿波討其源可能嗣前軌宮保陶雲  
汀制

府誇百男樛木榮葛藟何當福履綏要令室家美一昨

兩書牕

時四姪婦及六姪婦連舉兩子

喜氣溢階庀將爲竹林娛待此

而三矣年來倦宦遊況迫門閭倚草草理歸裝行行指

湘水維時月在子一陽此端履萬化所權輿兆泰先傾

否天心本仁愛人事有張弛壽我堂上萱植我庭前梓

俯仰太和闢何修能到此水木毓清華曾聞溧陽史相

文靖公生於舟中

有願吾敢奢簪裘亦僅爾含飴博親歡天或

不吝是仁厚舊傳家但取畫圖視

### 再題騶虞圖

圖繪騶虞亦偶然熊羆果叶夢中緣敢云忠厚能傳世

所冀祥和善返天有象文麟森德寓無形仁園藹心田  
提戈挈印渾閒事認取春風小艇前

質夫四兄於宅後小園隙地構屋數椽天中節後  
一日招同雲岡兄暨蔗農丹麓兩弟會飲落成  
兩弟皆有詩余亦不能無言走筆賦此並謝園  
蔬宜男草之賜

小築幽居地幾弓捲簾消受好薰風老年兄弟猶能酒  
半畝園林亦自雄繞屋藤花初上架當門蒲劒欲凌空

兒曹解識天然趣滾滾文章寫不窮

是日課  
姪輩文

屢賦郊居尚市塵

余與兄久有  
鄉居之約

桃源咫尺欲迷津忽看



蔬菜盈筐綠便覺林泉入座親世味飽嘗偏愛澹名心  
已冷不如貧盆花喜拜宜男賜從此雲山有替人

不寐

永夜不成寐起坐心茫然忽聞鄰笛響哀樂難爲宣寒  
蛩鳴未已荒雞聲復喧百感會一末決泮來無邊此時  
方寸中人已乘乎天虛窗紙猶暗欹枕聊復眠天光正  
蒼晦氣象包萬千不睹扶桑曙誰知內景圓莫誦湯盤  
銘且詠尙綱篇

題荷屋中丞西湖秋泛圖

圖作於典浙  
江鄉試時

人謂公此圖湖山寫清幽我窺圖中意蓋不忌諛謀九

能爲大夫登高賦稱優山川貴能說謠俗期兼收所以  
皇華使義必咨于周林壑豈不佳簡書心則憂臨水攀  
珊瑚陟山吼薪樵溪情一往挈邈焉夫誰儔

帝曰汝敬事其益遠乃猷積勞坐開府南國宏綏柔山

猺旣以靖

公建節之初適值  
永州猺匪滋事

懲墨先去尤

平猺之後公  
尤加意察吏

太息士風敝經荒行不修親課兩書院樸學勤爬搜

省城

有嶽麓城南兩書院公於常  
課外以四孟月課經解古學

簿書填委閒深夜仍校讎

遂令實枵腹古義知所求獷俗亦已和文德亦已修誰

識靡及懷雖休猶勿休臺以澄湘顓

公卽署劄舊臺取  
左太沖左阿澄江

湘句意  
顯其額

湘水常安流堂以校經闢經畬毋輟耨

公於嶽  
麓書院

中立湘水  
校經堂  
精神所翊魄蘭芷流清謳風騷繼屈宋大雅  
登軒輜請泛洞庭月何似西湖秋

題宮保陶雲汀前輩

御書印心石屋圖

有引

雲汀前輩舊居安化之茱萸江上前臨大汴灘  
有石一方聳峙江心若印然殆彤家所稱印浮  
水面煥乎其有文章者宮保隨其先大夫鄉賢  
公讀書山中遂顏所居曰印心石屋道光乙未  
冬由兩江總制入

觀

天語從容詢及所居書額以

賜宮保感

恩懷舊繪圖徵詩敬賦二律道揚盛美工拙非所計也

莢江灝灝毓奇英吉印天然石獻禎萬里風雲藏白屋

一朝魚水寫丹誠

公每入覲至十數次眷禮

召對輒絕優卽看奎璧

天章煥應識縹緗世業精門外汴灘流未已年年如和

讀書聲

十年江左老夷吾萬頃狂瀾一柱扶

錫福常年疊吏共

封疊大吏例於歲底賜福字

顯齋今日

寵光殊

帝咨汝礪心毋貳臣捧

堯文節敢渝蒔屋數椽

天鑒在此生何以答

宸謨

壽唐敬楷廉訪六十

每誦少陵老儒句

杜詩云朝廷半老儒

畢然耆壽貞百度同舟矧

乃素心人元氣欲與斯民固我與君交三十年文章道

義互攻錯當時輦轂盛聲華君獨泊然守吾素草木曾

無臭味差因緣遂忝葭莩附一麾各散幾經秋

道光元年余與

君同時

出守 萬里相從豈非數

十七年余奉撫黔之命君亦續來陳臬

君家仕

學皆有譜導河積石源堪滂

石嶺陶山兩先生政事文章後先輝映

至君

乃益大其瀾德行政事淵兼路聲威穆穆惟積誠曉夜

孜孜先去蠹從知調燮在性情始信邦家無怨惡愧余

薄德靡所施藏身不怨焉能喻南陽賴有孟博賢蜀郡

未嗟叔度暮卽今撓甲纔一周太和滿抱春常煦樂只

乃是邦之基豈弟繇來民所慕方將厚德壽邊氓豈有

周行窘賢步

時君病足向愈

余季茲辰亦及艾

舍弟熙齡少君十歲同日生

少壯幾時已非故薄宦方知旣翕難一尊莫致空迴顧

叨君愛比同胞眞儔籓居然樂且孺爲歌常棣又嚶鳴

神聽和平庶無斃

道光丁酉冬伊莘農制府閱伍來黔牒訴瑣事作

詩見寄依韻奉和

早欽德意洽蒼黔閱伍東來更肅然霜冽兩章包比直

公奏劾鎮遠古州兩鎮

風清一介尹同賢

公嚴於取與所至肅清

猶煩披牒

慙無訟安得開雲詠有年

時連陰盼霽

勸我三言常在念

公前

函敘云不要看高了我不要看輕了民不要看小了我

更思請益駐旌旃

題任薌圃觀察登山臨水夢將歸圖

登山臨水夢將歸夢裏升沈是也非一枕黃粱猶未熟  
且看遵渚有鴻飛

卅年我亦倦風塵復此句畱豈爲貧  
發待卹時棉待種

二事皆君董辦許多事業總須人

君年六十氣方適況有簪纓燕翼謀  
長嗣方聞說先公

循績在由浙令守升糧道有惠政棠陰世世起民謳

勸進何如勸退佳江湖浩蕩況無涯須知

側席求方切此去賡颺定克諧時將以卓薦北上

庚子立春日王鴈汀學使讀古感懷得四詩見投

不覺怍怍於中率筆奉答

達人志千古常抱書生憂開卷見古人高歌邈難儔走  
筆詒我詩春風動庭陬發械爛珠玉意下神彌遒首言



現在身卽事須反求前去後未來惟茲是真修舜跖同  
雞鳴芳穢胡不侔跬步一蹉跌遂積千悔尤如何馳騫  
子棄家而道畱次言心寒饑此苦誰知謀膏粱與文繡  
夫夫詎不優可憐飽暖中百鍊化指柔舌耕而心織庶  
不吾道羞三言勿姑待須臾卽千秋大禹惜寸陰明德  
萬古流需乃事之賊敏則功可收開歲已三日吾其尙  
夷猶終言讀書樂逸氣凌九州近將步洛閩遠且希魯  
鄒斗室富百城那羨公與侯讀罷三太息顧影生百愁  
少壯不知學中歲徒沈浮不能淑其身何以爲民迷垂  
垂六十望補牢復奚由賴君氣方盛冀我無停輶駕矣

且十駕君服吾驂騶旭景固自佳秉燭亦云游君能不  
我閔容我餘光偷詩成一笑粲春暉盈兩眸

商爵歌爲梁茝鄰前輩作卽次其韻

憶昔曾持桂林節手搴海網珊瑚羅

余以嘉慶庚午典試粵西今三十一

年瓊寶今更應時出歲豐政暇供摩挲使君博物古君

子置身三代勤琢磨茲爵何幸得所主有若威鳳來巢

阿定爲商器吟且詁如敘疇範無偏頗象饗意戒餽覆

鼎

鑒首作饗饗形

倒薤字異珠翻荷

銘字作倒薤狀

厥銘有曰子孫父

一家制作良匪他

爵有子孫父三字銘辭尚功謂是其子孫爲父作者

千里詒書

約爲和其時正秩南交譌側聞有年燭調玉更無下瀨

船馳戈阿衡日月傳霖雨不使莠稂妨嘉禾餘波及我

邊不啻年前凱徹兼舞歌

戊戌冬仁懷小  
不靖旋就安集

已將牛犢換

刀劒苦無琴瑟諧雲和賞奇亦有諸葛鼓

黔中所  
在多有細響

徒類秋蟲哦濡淦大筆公也獨堯尊虞寶古色多猗耶

應補周太史鼎銘還續弗父何想當然曰公毋讓前身

何必非東坡

黃心齋太守年兄以道光庚子重過晉祠憶及嘉

慶戊寅與余同遊感而賦寄依韻答之

三山曾擬一尊陪君已遄歸我始來

余以乙未冬赴閩  
藩任而君先以憂

歸鴻爪東西悵陳迹

丙申移撫黔自東  
徂西今五稔矣

棘冠風雨泣蒼

苔愧無樗枿溫邊士

黔人艱於布帛近教之棉桑紡織

知有經綸養異

才

君連丁內外艱惟以授徒自給

廿載淡情憑寸紙不堪回首舊池臺

沈蘭泉封翁九十壽詩三十二韻爲飴原臺長同

年作

一德明良會干官福祿駢教忠臣有父養志子能賢懿  
彼身臺長由來鳳沼仙人誇新諫草我憶舊芸編往者  
初踰冠相將使著鞭春風來杏苑夜月步花甌附驥誠  
何幸塗鴉只自憐每慚巴里曲幸接曠牙絃使節馳江  
漢門才富梓梗望原高四傑秋已報三遷步屨雲霄上  
賡颺

日月邊高堂方色喜

聖主又

恩宣家世塵

宸問兒孫盡福緣馬援眞矍鑠石奮本恭虔五世皆親見三生豈偶然

帝稱難得再僉謂此公全感激難家食康強就道便清歡資鯉對峻擢喜鵬騫威仰花驄肅儀看繡豸鮮長安春正好

仁壽鏡新懸

朝罷衣牽綵樽開笏滿筵靈光歸魯殿頤性儼彭錢友

耐菴詩存

卷三

古

鹿心常遠扶鳩趣自偏總由神澹定爰返慶連延憶昔  
官江左隨翁話月圓

鸞封頻錫晉鶴髮更游燕子舍諸笙奏庚郵送錦箋敢  
撫長慶體爲睇老人躔火樹銀花裏椒盤柏酒前  
勳華方在御旗翼並中天家

國都禔福期頤那計年伫陪千宴宴祝

嘏永綿綿

周執菴觀察改官銀臺將便道展墓以飼鶴圖馳  
書索題賦此送別

廿載風塵尙此心馳驅不覺鬢霜侵

余以道光辛巳出守忽忽遂老而初

心未敢負也。因來書有風塵襲人之語，感慨係之。山中猿鶴盟猶在眼底，蟲沙

劫轉淡，獨立蒼茫，更誰語百端感喟。到于今，舊聞易學

西川好，我欲從君一訪尋。余近喜讀易

峩嶠西望鬱崔嵬，冰雪崢嶸歲又催。話到蒼生多熱淚，

書來每念黔民之苦，將歸猶惓惓。看殘時局竟寒灰。歸裝祇有琴堪伴，

晚節應如菊耐開。回首龍門高絕處，

新恩還接舊蓬萊。戊辰歲余謁東屏師於老牆根邸舍，風采至今猶在目。君家兩世供奉

內廷，今日銀臺之擢依然世德相承。詠烈誦芬是所望於繼起者。

將以癸卯元日祈雪龍神祠，先夕用東坡聚星堂

韻成此詩

萬花韜豔木脫葉埽盡芳菲待鋪雪已逢兩白潤猶未

田枯欲裂泉欲絕天公爲遣雲來同玉龍且行風忽折

臘月廿七日事麥纔出土頭不昂雪儻先春蟲可滅臘雪可殺蟲時距立

五日纔蘇當日禱何神造化在手霹靂掣堂前白戰靜

無譁那許火荼鬪宮纈七百年來少嗣音我欲執鞭公

豈屑妄意雪池擬雪堂池成龍去已飄瞥子月三日余於庭前贊池

先夕得雪輒效坡翁名將母神井專其靈祠前有龍井未必

漢兒皆強說借用高阿那肱語元日要當齋拔祈或能一躍麤

寶鐵

題楊忠烈公遺札有跋語意多用



此疏爲社稷成敗那敢測此身付朝廷生歿非所縈乃  
令滿朝都無色耿耿孤忠轉自慙謂我自裁徒自輕況  
彰君父無禮名不好奇不鬪勝應機而發惟其稱轉聽  
轉畱聽畱於我無與我何求吁嗟乎聖賢神仙無兩說  
舍生便是長生訣札中有素以行之是大鬼神聖賢事大神仙法等語能殺賊真  
鬼雄此行不測能爲厲鬼請地下朝中請劍同似閻高  
皇偉其忠枉帝左右神相從下視此賊滄滄訛訛祇自  
速辜於厥躬何能歿我磊磊落落轟轟烈烈之楊大洪  
嗚呼此賊何能歿我楊大洪

恭讀雍正八年

上諭各省選拔生員到京朕俱特派大臣秉公考試分別等次進呈前有湖北應山縣生員楊可鏡一卷文理荒疏經部議照例革去選拔頃朕聞楊可鏡乃楊漣之元孫昔順治四年楊漣之子楊之易爲江南松江府同知遭提督吳勝兆之叛捐軀殉難忠節凜然蒙

世祖章皇帝之恩優加贈卹此卽楊可鏡之曾祖也朕思楊漣父子兩世忠義其後嗣子孫若能自立品行無虧雖文藝不工亦當格外造就楊可鏡准作選拔赴國子監肄業仍著禮部帶領引見欽此按之易卽公札中求援於崔公而泣不可止者夫忠孝同一至性

特隨所觸而發見耳讀書其本也觀公臨絕遺  
教歿生一憑天理惟讀書不可廢所以殷士衷  
爲周用而歿於逆賊與歿於逆閹前後同一硬  
漢硬漢亦札中  
字忠烈自謂滄桑雖變而忠盡之心不可變  
聖主褒榮施及遠裔雪霜之後必有陽春於庠公誠不  
歿矣有志之士當何如自勵歟

顯陽明先生像

有引

詆王學者多矣獨睢州湯文正公謂先生當明  
中葉人心陷溺之時士大夫浸於功利一切詞  
章才氣祇以便其私而益之毒四維不張世變

日亟先生有憂之特揭鄒嶧良知之旨以提醒  
一時驚瞶溪得先生抹世苦衷而山陰劉忠愍  
公謂先生良知之學實從中庸誠者不思而得  
悟出尤爲洞見本源謹用兩公之意撰爲此詩  
心學肇坎畫一誠自生明誠者不思得良知此其根是  
之謂德慧以天不以人戰國競功利幾希無復存賴有  
子與氏首揭孩提真平旦驗好惡天花發幽局厥功不  
下禹懍懍三聖承浸尋二千年絕學幾廢興見利不見  
義內往而外爭事功盡塵牝文章失心聲詎不赫觀聽  
終焉嗟陸沈遂以儒詬病益滋俗泯勢偉哉陽明子一

炬開重昏龍場憂患地妙悟從天生力剗榛莽穢還我  
天君尊一出殄逆濠再出清崗氛行之若無事見者驚  
猶神豈識方寸中惟虛故能靈良知有實用何曾墮渺  
冥後學猶異議謂禪而儒名末流誠不免拯溺良獨殷  
廢書以爲學佞口聖所懲乃反爲書愚猶自予智矜以  
此毒天下曷繇返其淳拔本而塞源誰亮先生心嶧山  
七篇後煌煌見斯文

先生有拔本塞源論反覆功利之  
害纚纚萬餘言先儒以配孟子好

辯章

### 附吳仲昀廉訪書

頃奉手諭并鈞翰一篇推論良知之義子與氏首

揭之陽明氏發明之皆以世教陵夷人心陷溺非直指本源不能使迷者思返愀然內勘憬然生悟也千有餘年後先若合符節此論最爲精確殄逆濠清尚氛蓋一代大人非常功業然大人不失赤子之本心體立用行其理至實由良知擴而充之非別有所增益末流歧出遂墮禪悟豈王氏之失耶挾摘闡發足破門戶攻擊之習然非於今古學術體驗至淡胷中確然有所自得不能言之親切有味如是也至以詩論氣韻古厚骨力雄拔開闔旋轉純以神運莊誦再三敬佩無似最所賞心以

墨圍識之竊媿僭妄真與文元通青庚蒸侵復通  
真此例雖與朱鄭庠及我朝李天生顧亭林邵子  
湘諸先生之說不同然吳才老韻補如此朱子釋  
詩注騷多從之固非泛濫而無所據後有作者亦  
不能執是爲口實也

顯明萊州太守朱烈愍公守禦圖冊

有序

公名萬年黔之黎平人明末守萊州時登帥孔  
有德以師援大凌河過萊公察其有異志密爲  
備未幾果叛歸旋薄萊城公且戰且守賊稍卻  
已而中旨詔撫賊公知其不可而援絕望窮遂

奉詔往誘賊至城下與俱燼焉公歿四十二日而援兵至事聞贈太常卿我

朝賜謚烈愍萊人卽公歿事處建祠祀之至今弗輟

嗚呼城易守城難久以全守難上難

解一

萊城彈丸瀕

海東叛帥回兵百道攻萊民何恃掌家翁

公爲守禦計甚悉故民以

是稱之二守萊萊幸全賊亦倦攻將舍旃太守無困民

命延柰何詔撫援兵不前

三

噫吁嘻爲國捍圍但有勦

更無撫但有戰更無堵盧公一疏可格二祖

四

此議誰

所倡始禍者鶴終嗣昌奇瑜文燦相簸揚遂縱巨寇李



與張以迄於明五崇禎五年七月七日太守奉詔以

撫被桎給賊薄城急擊勿失公歿圍緩援師乃至六噫

吁嘻謂撫可諧援師胡來既詔援矣胡復遲迴孤城六

月勁不摧天意特顯奇男公嘗言生爲奇男噫吁嘻

天既才止曷又災止七萊之西街公廟食黎之北郭公

歸骨二百餘年神往來吾職風化豈有述頑夫廉懦夫

立百世之下視此筆八

贈何子貞太史卽顯其使黔草

昔我居京師得與司農游君時方妙年清輝耿雙眸逮  
我官沅沂司農乘使輜視君鎖院中相助勤爬搜乃弟

接席坐壘簾無唱酬

專心校藝竟日不交一語

布衣猶曩時高鑑懸

清秋中間詣談造實事惟是求形聲與義理金石窮雕

鏤遂邀

君相知特達聲光適

廷對策爲儀微相國所激賞

元老篤愛士護惜

何其周謂余往語君動必與禮謀君豈徇俗者期無微

玷畱

時君有世父喪而詞林故事初到館須通謁諸前輩余適在京故相國語次及之

翰林人

材藪華實當兼收

廟堂方簡賢授札延枚鄒疊被文綺

賜兩試君皆優

帝謂汝可使往哉踐前修一出踰閩嶠珊網羅文蚪今

來利西南詩筆光星郵忠孝鬱至性一卷三綢繆行身  
式曾閱餘事兼韓歐茲乃士之鵠大可回頽流走也愧  
未學無能事薪樵聲悅且弗飾矧乃文德揉九年徒苦  
口起衰悵無由哀然鉅牘出詫覩篇章四書文經策  
藝所未見天光倬河漢王會駢其球遂使楊腹果無或  
魚珠投從此士氣奮不負皇華諏余既藉補過君亦資  
紹裘司農入  
掌文衡歸謁亭林祠傳衣到黔陬君於京城之西  
新舊顧亭林祠  
更抒夙昔學以揚

天子休論交在紀羣意重語不偷勛哉善自愛元化無  
停輟

甲辰秋闈苦雨簡藕舫學士子貞編修兩主司

雪未飛簷席未單

寒餘雪飛單席在地唐郭元英所歎當時試事之苦也

萬千廣

廈庇猶寒喜聞正氣開雲易

主司以昌黎須臾淨掃眾山出句命題

轉恐

中秋見月難婉變半隨賓

國去衰頹只合杖鄉看

在黔九年監臨五次向時童起

衰幸有昌黎手勸學頻年意未闌

兩主司皆欲以經策規實學與僕有同志

止悲詩爲陳岱雲太史作

有引

先是太史病危厥配易安人爲禱於神請以身

代君愈而安人旋卒此其所以悲之甚也君有

太夫人在堂爰作此以紓之

聞君近悼亡過時悲不止或乃謂過情豈知情卽理夫  
婦人倫始卽縈兩相倚平時形影隨況在憂患裏君乃  
延我生我竟促君死死生反掌間誰能測所以積想遂  
成癡念之曷能已忠臣孝子心其愚亦爾爾悲傷倚閭  
情君悲可止矣

丙午冬月之任豫藩途次口占

自笑宦情少宦途偏我畱忽忽四十年報

國鮮寸籌桑榆迫暮景蕃宣又中州中州拱京邑四面  
萬里迺風雨此和會大河所經由神禹不可作隤波常  
爲憂民窮盜且起何以挽其流昔周營洛邑殷頑尙未

柔時方禁羣飲民俗能無偷周公畱七年使民自爲謀  
爾宅與爾田小民惟此求但無秋毫擾今日猶成周膠  
膠徒有志行矣庶幾酬

蒼松老屋圖爲羅研生題

溪藤一幅霏煙雲空山老幹何輪囷山中質樸懷先民  
木亦古貌蟠其根湘山百里來嶙峋足蹟不到清漣濱  
琳瑯昔邁湘中倫想見後起多奇珍碧泉學士吾師門  
余出蒲城相國王文恪公之門學士乃相國師也晚不及見徒傳聞見君已覺

意氣親況復重之以婚姻談次輒將世德陳百年老屋  
巋然存當日儒林此隱身

君高祖文學君作敬  
贈儒林郎始治此屋種松萬

本怡天真栽培得地雨露均歲久一一成龍鱗參天黛  
色蔭四鄰高歌金石聲振振虬枝更長曾元孫老樹歷  
落彌精神明德之後有達人但保歲寒斯恆春研生有  
子天上麟會見籊雲奔絕塵故廬迴望蒼髯尊萬閒廣  
廈從此新